

8. Knjápunktur (*Sieglingia decumbens*).
9. Heiðarstör (*Carex heleonastes*).
10. Trjónustör (*Carex flava*).
11. Villilaukur (*Allium oleraceum*).
12. Ferlaufasmári (*Paris quadrifolia*).
13. Eggvíblaðka (*Listera ovata*).
14. Línarfi (*Stellaria calycantha*).
15. Flæðarbúi (*Spergularia salina*).
16. Melasól með hvítum og bleikum blómum (*Papaver radicum* ssp. *Stefanssonianum*).
17. Vatnsögn (*Crassula aquatica*).
18. Bergsteinbrjótur (*Saxifraga a zoon*).
19. Hreistursteinbrjótur (*Saxifraga foliolosa*).
20. Þyrnirós (*Rosa pimpinellifolia*).
21. Glitrós (*Rosa afzeliana*).
22. Súrsmæra (*Oxalis acetosella*).
23. Skógfjóra (*Viola rivinana*).
24. Davíðslykill (*Primula egaliksensis*).
25. Lyngbúi (*Ajuga pyramidalis*).

Þar sem telja verður mikilvægt að varðveita þessar tegundir og forða þeim frá útrýmingu, er hér með lagt bann við að hrófla við þeim á nokkurn hátt, t. d. slíta af þeim sprota, blöð, blóm eða rætur eða grafa þær upp.

Menntamálaráðuneytið, 10. ágúst 1967.

Gylfi Þ. Gíslason.

Knútur Hallsson.

Nr. 131.

11. september 1967.

REGLUGERÐ

um breyting á reglugerð um afgreiðslutíma lyfjabúða,
nr. 158 10. ágúst 1966.

1. gr.

1. gr. II. liðar reglugerðarinnar orðist svo:

Lyfjabúðir í Reykjavík skulu auk framangreinds afgreiðslutíma vera opnar tvær saman eina viku í senn, sem hér segir:

Mánudaga—fimmtudaga	kl. 18—21
Föstudaga	— 19—21
Laugardaga	— 12—21
Helgadaga og almenna frídaga	— 10—21
Aðfangadag og gamlársdag	— 12—21

Nánari reglur um skiptingu þessa afgreiðslutíma milli lyfjabúða setur landlæknir að fengnum tillögum Apótekarafélags Íslands

2. gr.

1. gr. niðurlag III. liðar, orðist svo:
Næturvarzla skal vera opin, sem hér segir:

Mánudaga—föstudaga	kl. 21— 9 næsta morgun
Laugardaga	— 21—10 — —
Helgidaga og almenna frídaga	— 21—10 — —
Aðfangadag og gamlársdag	— 21—10 — —

3. gr.

2. gr. reglugerðarinnar orðist svo:

Lyfjabúðir, sem taldar eru í 1. gr. IV. og VI. skulu í samráði við viðkomandi sjúkrasamlög sjá svo um, að næturlæknir eigi aðgang að nauðsynlegum lyfjum til notkunar í bráðri nauðsyn.

4. gr.

Reglugerð þessi, sem sett er samkvæmt 38. gr. lyfsölulaga nr. 30 29. apríl 1963, öðlast gildi 15. september 1967.

Í dóms- og kirkjumálaráðuneytinu, 11. september 1967.

Jóhann Hafstein.

Baldur Möller.

5. september 1967.

Nr. 132.

AUGLÝSING

um mat á nýjum bifreiðum, er skemmast á leið til landsins.

Ef ný bifreið, sem keypt er og flutt til landsins, verður fyrir verulegum skemmdum við flutning hingað til lands, getur innflytjandi fengið skemmdirnar dregnar frá fullu tollverði bifreiðarinnar, er tollafgreiðsla fer fram, ef þær eru metnar svo sem hér segir:

1. Innflytjandi afhendi viðkomandi tollstjóráskrifstofu innan 14 daga frá því að bifreiðin kom til landsins, skriflega beiðni um matið, þar sem skemmdunum er lýst í aðalatriðum.
 2. Séu skemmdirnar svo verulegar, að ástæða þyki til að lækka tollverð bifreiðarinnar vegna þeirra, lætur tollstjóri dómkvadda menn framkvæma matið á kostnað innflytjanda eða váttryggjanda bifreiðarinnar, og verða skemmdirnar þá dregnar frá tollverði hennar (óskemmdrar) samkvæmt matinu, er tollafgreiðsla fer fram. Matinu má þó áfrýja til yfirmats.
- Með auglýsingu þessari er felld úr gildi auglýsing nr. 103, 20. maí 1965.

Fjármálaráðuneytið, 5. september 1967.

F. h. r.

Jón Sigurðsson.

Björn Hermannsson.